

籌辦夷務始末

卷四十九之五十

籌辦夷務始末卷之四十九

道光二十二年壬寅四月乙巳

諭內閣。朕以鴉片煙流毒中國。貽害生民。前歲特降諭旨。飭令各省嚴禁。再三剴切申戒。因廣東為外夷通商之所。特命林則徐前往查辦。各國夷商均遵約束。獨喚咭喇逆夷義律。以燒燬煙土之故。藉口滋事。因林則徐辦理不善。旋亦罷斥遣戍。乃該逆於道光二十年六月。潛竄浙洋。竊據定海。繼復於天津海口。呈遞稟詞。朕惟中外一體。念切懷柔。不以其侵犯在先。訴辯在後。遽加屏絕。復命琦善前往廣東。確切覈辦。又將伊里布在浙擒獲逆夷頭目安突德等多名。特予寬典。免其誅戮。於定海退出。

之時。即行給還。乃該逆夷狡詐反覆。要求無厭。明知琦善意存撫馭。不設防守。竟爾稱兵首禍。疊犯大角沙角各礮臺。傷我提鎮大員。擾我海疆黎庶。是逆夷因私販煙土。而肇起釁端。復陽為乞請。而陰施詭計。背信負恩。神人共憤。朕之命將出師。實由於此也。及至靖逆將軍奕山等到粵。逆夷已竄入內港。窺伺省垣。彼時帶兵守土大吏。僉以該逆貪利性成。希冀通市。懇將商欠該夷銀兩。准令給還。朕至誠待物。從不以逆億為懷。如果得利相安。不致別圖滋擾。區區之施。實非所吝。蠢爾醜類。何足為讐。此又朕軫念薄海民生。不得已之權宜也。孰意逆夷包藏禍心。欺天滅理。粵東甫經斂跡。閩浙又復揚波。定海再窺。連城襲

據以致督臣殉節。鎮將捐軀。荼毒生靈。罪難擢數。爰命揚威將軍奕經等。帥師攻勦。數月以來。賊退甯波。旋陷乍浦。是該逆在粵。則以厚施為飽颺之謀。在浙。則以擄掠為齎糧之具。察其兇狡情狀。實已罪惡貫盈。

上天降監。必加誅夷。下民何辜。罹茲慘酷。朕撫躬循省。五內焦勞。每念毒孽未除。顛連莫拯。痛心自責。恨才德之未逮。夙夜難安。將軍參贊督撫。及內外文武諸臣。亦宜仰體朕懷。亟蘇民困。勿存苟安之見。徂於目前。勿懷倖免之私。貽臭於後。至於將弁兵丁。動謂船堅礮利。兇燄難當。因而見賊倉皇。望風先潰。殊不知賊之深入。早已自蹈危機。果人人奮勇直前。有進無退。加以鄉

民義勇。層層接應。則主客之勢既異。眾寡之數又殊。因地乘機。何難制勝。是逆夷之肆意猖獗。皆士氣不揚所致也。其從逆漢奸。原係窮蹙愚民。或以生計維艱。為利所誘。遂至甘心從賊。暫飽身家。試思蹂躪者誰之鄉里。搶奪者誰之貲財。賊來則驅之使前。俾當鋒刃。賊去則委之於後。仍蹈刑誅。苟有人心。當知悔恨。朕為天下生民主。若止顧目前苟安無事。不思大者遠者。一聽煙毒橫流。不行禁止。是朕上負

皇考付託之重恩。下不能保吾民之生命。思及此。曷肯不竭力禁之。更曷敢不竭力禁之也。目前雖奸夷倣擾。日肆貪殘。爾閩帥疆臣。身膺重寄。宜何如激發天良。申明紀律。凡奮勇爭先者。賞

不逾時。退縮不前者。誅之無赦。如此則何攻不克。何守不固耶。從前辦理不善。諸臣除分別懲警外。餘令戴罪圖功。原冀其知感知奮。勉贖前愆。儻復坐失事機。殃民縱寇。國法具在。不能為若輩再寬也。至士民中果有謀勇出眾之才。激於義憤。團練自衛。或助官軍以復城邑。或扼要隘以遏賊鋒。或焚擊夷船。擒斬大憝。或聲明大義。開啟愚頑。能建不世之殊勲。定膺非常之懋賞。總之禁煙所以恤民命。禦寇所以衛民生。朕宵旰思艱。兢兢業業。爾諸臣亦惟和衷共濟。鼓勵戎行。不懟不疎。以作士氣。必能剪除夷孽。埽蕩海氛。與天下蒼生。共享昇平之福。茲將辦理夷務前後情形。及朕為民除害之本意。特諭中外知之。

揚威將軍奕經參贊大臣特依順齊慎奏。四月十八日。承准軍機大臣字寄。道光二十二年。四月十三日。奉

上諭。據御史蘇廷魁奏。傳聞暎逆本國為噠啊喇攻破。緣噠啊喇為夷船聚集之所。暎夷占據。盡收其稅。噠啊喇怨之最深。乘虛擣擊。是以逆夷兵船。紛紛遁回。救援等語。著奕經等。趁此夷情窘迫之際。乘機進剿。大彰撻伐。以揚國威。斷不可坐失機宜。欽此。努前在紹興。曾探知此情。但以傳聞未真。復差人確探。並札知水陸各路委員兵勇。如逆夷有張皇欲遁情形。即行乘勢攻剿。以張撻伐。忽於四月初九日。該逆復以大幫船隻。攻陷乍浦。努與

欽差大臣耆英等商酌。該大臣等先赴嘉興防堵辦理。免致逆夷猖獗內犯。一面即札飭總兵尤渤。帶領陝甘河南官兵。先自嘉興進屯平湖。嗣參贊大臣齊慎。帶兵赴省。並努等由前路札調各兵勇。均已到齊。除派防省城外。復飭參將楊清鶴。先帶兵數百名。沿塘前往。赴距乍較近之談仙嶺屯紮。各路官兵次第前進。豫備進剿。茲於二十一日。連接海鹽令何煦綸。黃道闢委員高振宛等。及翼長尤渤。先後稟報。十八日申刻。逆夷將燈光山上下廟宇。及山灣房屋。並東洋船。放火燒燬。十九日卯刻。逆船開出十四隻。至午刻。全行起柁。均駛向東南外洋而去。乍浦內外。並無夷船。又

據護定海鎮總兵周士法等稟稱。鎮海招寶山。現添船二隻。定海共泊夷船十八隻。係由東北駛來。復有杉板船十數隻。裝載受傷夷人。逆夷屍身。不知確數。分頭安置掩埋。各等語。查逆夷竄入乍浦之後。復於尖山游奕。探量水勢。已有內犯省城之意。所有解送夷俘。現今據報。尚在乎湖押禁。乃十九日。該逆大幫船隻。忽全行開出外洋。雖逆情詭譎。難保其不分竄他處。而即御史蘇廷魁所奏。其為該國有變。勢窮鼠竄。似無可疑。而鎮定兩處。現在仍有夷船停泊。未動。勢才前於逆夷竄退甯郡時。即撥兵勇前進收復鎮海。並札飭黃巖鎮張成龍。挑選水師弁兵。沿海相機截

勦復飭委員等。豫募福建同安船隻。以備裝載兵勇渡洋。設法驚擾。又札飭副將鄭宗凱。委員鄭鼎臣等。帶領火攻船隻。乘勢焚燒。俾該逆大受懲創。茲據探報。逆夷全已退出乍浦。查知夷勢窘迫。現分飭各口岸文武委員。加意嚴防。復即飛飭各路。仍遵前札。趕緊嚴密辦理。並移會文蔚。即行督飭員弁。迅速相機進攻。以彰

天討。

奕經等又奏。再。竊齊慎。因聞海鹽海甯各處警報。尖山有夷船游奕。恐省中兵力太單。因將前路兵丁酌量抽撥二千名。帶赴省垣。連前留省之兵。已有四千餘名。可資堵禦。

才文蔚仍駐紹興在三江滬海一帶督飭兵勇加意防範連日接鎮海各路探報夷船仍有三四隻停泊招寶山下山上威遠城安設礮位夷目囉叶但逐日帶領數百人在鎮城內外巡邏才等現已密飭各路分伏兵勇仍照舊暗伏相機舉動並飛催各委員在梅墟蜀山渡地方將釘椿築壩等事趕緊督辦一俟事竣藩籬既固即可進逼鎮邑明攻暗襲相機辦理

奕經等又奏竊才等准軍機大臣字寄道光二十二年三月二十一日奉

上諭本日據奕經等奏廣東送來通事二名熟悉夷語等語

欽此

爾既屬頭目。必知該國情形。且現有通事二名。自可細詢該國底裏等因。欽此。等即督飭司員等。帶領通事。將各條逐件。連日訊問。先詰以該國距內地水程若干。其所經過者幾國。據該白夷等供稱。自暎咭喇國城。至內地廣東地方。總視風信。遇順風時。不過三箇月。即至香港。遲則四月五月不等。至遲亦不過六月。即可以到。所過地方。若佛囉機。噠欲。登土。啣。嗎。咭。喇。吵。姑。路。庇。吟。嗎。勒。格。星。加。坡。等處。皆暎咭喇所屬。其所經別省何國。均難指名目。或船上淡水乏食。遇有洋面附近之山。即用小船攏岸取水。其地方名目。未能細辨。詰以克食米爾。距該國若干路程。是否有水路可

通向與暎咭喇有無往來。此次何以相從至浙。其餘來浙之暎咭喇。大小呂宋。雙英國夷眾。或係帶兵頭目。私相號召。抑由該國王招之使來。是否裏脅。抑或許以重利。據供克食米爾。即暎咭喇地方。暎咭喇是其總名。克食米爾。乃暎咭喇所屬。暎咭喇。又暎咭喇所屬。暎咭喇所有大船。到架喇咭喇為止。其地有河可通克食米爾。亦有陸路。距架喇咭喇。約計千里。復有陸路通噶慎。大呂宋。佛蘭機等處。此次來浙之兵。均係該國王所調。祇有暎咭喇人當兵。其呂宋。暎咭喇。雙英等國之人。不能當兵。所來之各國夷人。乃商船雇工。係該帶兵官雇來辦事。及充當水手。詰以該

女主。年甫二十二歲。何以推為一國之主。有無匹配。其夫何名。係何處人。現居何職。據供該國女主。乃老國王之姪女。國王無子。其姪女賦性聰明。故立為主。名域多喇。其夫乃唎咭喇。所屬渣嗎喇國王子。名鼻哩士阿喇拔。國人稱為法是嘴。乃該國第一等官職。並不干預國事。復詰以所稱欽差提督各名號。是否係女主所授。抑係該頭目人等。私立名色。據供欽差提督等名。從未聽聞。亦非女主所授。大約皆係私立名色。至詰以該逆在浙鳴張。所有一切調度餉兵。及占據郡縣。摻括民財。係何人主持其事。據供一切事件。從前乃咕哪曬架喇頓調度。自該逆死在定海後。

乃咕哪哥付調度。其人一向在甯波。廈門。定海等處。咕哪
哥付。乃嗎咄喇吵之勾運拏官。勾運拏乃陸路之兵頭也。
詰以義律現已回國。果否確實。回國後做何營謀。有無信
息到浙。據供義律係去年即由廣東動身回國。其有無音
信來浙。該白夷等均未能知。迨詰以該國置造鴉片煙土。
賣與中國。其意但欲圖財。抑或另有詭謀。據供鴉片煙土。
乃嗑喇。嗑咪鄉下所出。就深山地方。秘密製造。其本國
之人。苟非製造鴉片之輩。俱不准入鄉看其製法。蓋恐洩
露其術。其利或為所奪。嗑咭喇及西洋花旗等國。俱係赴
嗑喇。嗑咪各處。販入內地。但欲圖利。並無詭謀。

奕經又奏竊^努前任紹興。因聞乍浦失守。即星夜趕進省城。面見

欽差大臣耆英。浙江巡撫劉韻珂。將如何防剿之處。公同商議。惟時耆英即刻起身。前往嘉興。經^努撥兵隨往。已會銜具奏在案。十六日卯刻。連接海甯尖山稟報。夷船已駛近尖山。並聞海鹽礮聲等語。又值江水陡發。淹浸營盤礮位。省中心心惶惶。聞傳逆夷即來劫取。前次獲禁各夷。一時百姓搬避者。沿河塞港。紛紛不絕。特依順。劉韻珂與^努萬分焦急。實無良策。再四商酌。不如發給夷人照會。暫將前禁各夷。送交耆英。伊里布辦理。暫示羈縻。實因情形緊急。故不

及奏請冒罪辦理。直至各夷起解以後。人心漸定。連日以來。逆夷船隻已退出尖山。大幫仍泊乍浦。海上尚無竄擾情形。鄂抽撥前路各兵。亦俱到齊。除本省守城兵勇。沙民征兵。已有四千餘名。銀杏埠之營盤礮位。亦皆整理齊備。兵氣已振。人心大定。惟耆英現與劉韻珂。因刻下逆夷猖獗。商辦設法羈縻。該大臣等。以此事所關甚重。鄂職分較大。函商會銜辦理。具奏竊思現在浙省情形緊急。鄂亦何敢漠視。若不連銜會辦。恐於該大臣等所辦。致有窒礙。但鄂統領征兵。隨時激勵。原期攻勦時奮勇出力。該將士等如聞鄂會同辦理羈縻。未免意存觀望。漸生怠心。不成事。